

OĐASREIVE

Sámi oahpahusa fierpmádaga ođasreive

2014 Miessemánnu

Vuosttaš ođasreive

Dá lea Sámi oahpahusa fierpmádaga vuosttaš ođasreive. Mii áigut moadde ođasreivve jahkái ráhkadit.

Sámi oahpahusa fierpmádat ásahuvvui

Málatvuomis čakčamánus diibmá.

Dál leat 80 miellahtu searvan fierpmádahkii.

«Fierpmádat dán
oktavuođas mearkkaša
dasto goallostit oktii
olbmuid ja/dahje ása-
husaid laktin dihte sin
máhtu, dieđu ja
vásáhusaid ovddidandi-
hte ja ovdánahttindihte
barggu »

– Jan Henry Keskitalo
(Oahpaheadjefierpmádaga
čielggadeapmi 2010)

Hástal earáid maid searvat!

Dás beasat lohkat:

- Doaimmaid birra
- Stivrra birra
- Sámedikki čoahkkinastin
- Čállingotti birra
- Movt sáhtát searvat

Sámi oahpahusa fierpmádat



Sámi oahpahusa fierpmádaga stivraláhtut

Fierpmádaga doaimmat

Sámi oahpahusa fierpmádat lea dál doaimman badjelaš jahkebeali. Fierpmádat lea olu áiggi geavahan ohat ruhtadeami vai sáhtá doaimmaid plánet.

Čoahkkimat

Jurdda lea doallat 4 stivračoahkkima jahkái, sihke fysalaččat ja nehta bokte.

Stivrras leat leamaš golbma stivračoahkkima dássáži, golgotmánus, juovlamánus ja guovvamánus. Guovvamánu čoahkkimii serve maid Sámedikki hálddahas mitalit sin doaimmaid birra.

Dasa lassin lea stivrras leamaš čoahkin Sámedikki ráđđelahtuin Silje Karine Muotkain

Ruhtadeapmi

Sámi oahpahusa fierpmádat lea dán jahkái ožžon 300 000 ruvno Sámedikkis. Jus galgat guhkit áigge ja stuorat doaimmaid bidjat johtui, de dárbbášit eanet ruhtadeami. Fierpmádat lea ohcan lassiruhtadeami Sámedikkis fylkasuohkaniin ja fylkkamánniin. Sávvamis bohtá liigeruhta dán jahkái, ja bastevaš ruhtadeapmi bohttejahkái.

Stivralahtut 2013-2015

- **Jodiheaddji:**
Inger Anne Gaup,
oahpaheaddji Breivika
joatkkaskuvllas Tromssas
- **Nubbinjodiheaddji:**
Ester Kristine Johnsen,
oahpaheaddji Girkonjárgga
joatkkaskuvllas
- **Miellahttu:**
Jan Ole Hermansen,
rektor Máze lagasbiras
guovddažis
Várrelahttu:
Mikkel Per Sara, oahpaheaddji Hárštas
- **Miellahttu:**
Unni Amundsen,
Oahpaheaddji Mørkvedmarka
skuvllas Bodeadjus
Várrelahttu:
Jørgen Kintel,
oahpaheaddjestudeantta
- **Miellahttu:**
Mona Fjellheim,
oahpaheaddji Brekken
skuvllas, Røros
Várrelahttu:
Tone Marie Larsen,
oahpaheaddji Snoasas

Čoahkkin Sámedikkis

Sámi oahpahusa fierpmádat lei bivdán čoahkkima Sámedikkiin, hálddahusain ja ráđđelahtuin Silje Karine Muotkain, gii bargá oahpahusáššiiguin Sámedikki ráđis. Juovlamánu 4. beaivvi 2013 ledje fierpmádagas golbma ovddasteaddji Sámedikkis.

Gáhttet sámi oahpaheddjiid

Ráđđeláhttu mitalii ahte Sámediggi vuoruhaga giela ja áigu gáhttet sámi oahpaheddjiid. Son mitalii maid ahte sii áigot bargat dan ala ahte bissehit ohppiidlogu njiedjama, erenoamážit nubbingielat ohppiid. Gáiddusoahpahuš maid lea dehálaš Sámediggái.

Ráđđeláhttu sávai maid lagas ovttasbarggu fierpmádagain. Earret eará go álget bargat oahpponeavvuid strategalašplánain ja oahpahušdieđáhusain.

Guokte váldoášši

Fierpmádaga ovddasteaddjit válljejedje ovddidit guokte ášši dán vuoru: Oahpponeavvut ja gelbbolašvuodálokten.

Eai boahtán makkárga lohpadusat ja čovdosat dán čoahkkimis, muhto beasaimet mitalit movt dal lea.

Min mielas lei buorre deaivvadit ja mitalit áššiid birra maid miellahtut leat ovddidan.

Ráđđeláhttu evttohii doallat jahkásaš čoahkkimiid, ja mii sávvat ahte dan čadahit.



Jørgen Kintel, Sámedikkeráđđelahttu Silje Karine Muotka, Inger Anne Gaup ja Jan Ole Hermansen Sámedikkis juovlamáus.

Mii háliidit kurssaid!

Sámi oahpaheaddjit leat váillahan kurssaid sámi oahpaheddjiide mat váldet vuhtii reviderejuvvon oahppoplánaid.

Sámi oahpahusa fierpmádat lea bargame áššiin.

Dán rádjái leat e.e. sádden reivve eiseválddiide gos jearrat geas lea ovddasvástádus sámi oahpaheddjiid gelbbolašvuoda loktet.

Sámedikkis ii leat dál biddjon ruhta dasa. Mii bargat viidasit dainna áššin.



Boahhte stivračoahkkin

Boahhte stivračoahkkin lea geassemánus. Doppe galgat e.e. árvvoštallat nammaevttohusaid mat bohte min nammagilvvus. Fierpmádat háliidii geahppasit nama ja doalai nammagilvvu. Dasa bohte 23 nammaevttohusa.

Movt sáhttát searvat fierpmádagas?

Fierpmádat lea juste dán dihte ahte galggašii ávkin oahpaheddjiid árgabeaivvi álkidahttit. Mis lea jurdda e.e. miellahtuide lágidit ávkkálaš kurssaid, go beare oažžut ruhtadeami dasa.

Jus dus leat áššit dahje doaimmat maiguin fierpmádat galggašii bargat, váldde oktavuoda ja mital dan birra.

Háliidat go miellahtun ?

Jus háliidat searvat fierpmádahkii , sáddes E- boastta: lohkanguovddas@samiskhs.no

Čális namat, bargosaji, čujuhusa, ja makkár jahkeceahkis oahpahat(jus leat oahpaheaddji)

Čállingoddi

Sámi lohkanguovddáš doaimmaha Sámi oahpahusa fierpmádaga čállingotti Čállingotti oktavuoda olmmoš lea Marit Anne Bongo.

Fierpmádagas ii leat vel sierra neahttasiidu. Čuovo Sámi lohkanguovddáža neahttasiiddu ja facebook siiddu.

Oktavuoda dieđut

Jođiheaddji:

Inger Anne Gaup
Tel: 95 07 27 32
E-boasta: iagaup@online.no

Čállingoddi:

Sámi oahpahusa fierpmádat
Sámi lohkanguovddáš
Hánnoluohká 45
9520 Guovdageaidnu

Oktavuodaolmmoš:
Marit Anne Bongo
Tel:78 44 86 21
E-boasta:
maritab@samiskhs.no
www.lohkanguovddas.no